



Pou Piblikasyon Imedya: 05/09/2022

GOUVÈNÈ KATHY HOCHUL

## **GOUVÈNÈ HOCHUL METE AKSAN SOU REYALIZASYON TRAVAY AK MENDÈV LA NAN FÈT TRAVAY LA**

Gouvènè Kathy Hochul jodi a te mete aksan sou reyalizasyon travay ak mendèv New York, nan kad selebrasyon Fèt Travay la. Nan premye ane li antre an fonksyon, Gouvènè a te travay avèk dilijans pou adopte yon ajanda travayè ki alatèt peyi a, ki gen ladan: ogmante salè ak avantaj yo, ranfòse konje familyal peye, elaji salè dominan yo pou kouvri plis travayè, konekte moun k ap chèche travay ak opòtinite anplwa yo, ede asire sekirite retrèt pou travayè sektè prive yo ak fèmen vid yo pou konbat vòl salè yo yon fason ki pi efikas. Anplis de sa, administrasyon Gouvènè a ap pwoteje travayè yo kont diskriminasyon, arasman, abi, ak danje COVID-19 yo nan espas travay la; sa k ap ede Nouyòkè yo ki te ekskli nan èd pandemi an; etabli yon nouvo Biwo Developman Mendèv Estratejik (Office of Strategic Workforce Development) epi kreye opòtinite fòmasyon pou tout Nouyòkè yo.

"Nan Fèt Travay la, nou onore batay mouvman travayè òganize Ameriken an pou dwa ak pwoteksyon travayè yo, pandan n ap repran angajman pou batay pou salè ki jis, bon jan kalite swen sante, ak diyite ak respè tout travayè New York yo merite", **Gouvènè Hochul te deklare.** "Eta New York te fè anpil pwogrè nan ranfòse dwa ak pwoteksyon mendèv nou an, men nou toujou pako fini. Plizyè milyon fanmi New York, ki gen ladan fanmi pa m, te soti nan povrete paske yo te genyen yon kat sendika, epi administrasyon mwen an pral kontinye asire tout Nouyòkè yo gen avantaj ak opòtinite yo bezwen epi merite yo."

### **SALÈ AK AVANTAJ AMELYORE**

- **Salè ki Anvigè pou Anplwaye Sèvis Billing yo ki nan Kondominyòm ak Kowoperatif.** Nan mwa septanm 2021, Gouvènè Hochul te siyen (S.6350-A/A.7434-A) ki egzije pèman salè ki anvigè a pou anplwaye sèvis konstriksyon nan kowoperatif ak kondominyòm modèn yo ki resevwa rediksyon taks dapre atik 467a la nan lwa sou enpo a.
- **Salè ki Anvigè pou Transpò Total** An desanm 2021, Gouvènè Hochul te siyen A.1106-B / S.255-B, ki egzije salè ki anvigè dwe peye pou travay ki fèt sou pwojè travay publik pou nenpòt ki travay ki enplike livrezon ak transpòte nan pwojè

matryè konstriksyon ekipman total sa yo, ak nenpòt transpò retou, kit li vid oswa chaje ak nenpòt lè yo pase ap chaje ak dechaje.

- **NY SUN.** An desanm 2021, Gouvènè Hochul te anonse ke pwojè NY-Sun sipòte yo ki pi plis pase yon megawat yo dwe peye salè ki an vigè a, sa ki montre angajman Eta a pou asire pwojè yo kreye bon jan kalite, travay pou soutni fanmi Nouyòkè yo ak planifye pou yon tranzisyon ki jis.
- **Asire Sekirite Retrèt pou Anplwaye Sektè Prive yo.** An oktòb 2021, Gouvènè Hochul te siyen S.5395-A/A.3213-A ki egzije pou patwon sektè prive yo ki pa bay anplwaye yo yon plan retrèt, otomatikman enskri anplwaye yo nan Plan Epay Chwa Sekirize (Secure Choice Savings Plan) Eta New York la. Plan sa ankouraje epay retrèt nan yon fason ki konvenab, bon mache ak transferab. Anpwlaye yo kapab kite pwogram nan nenpòt kilè. An janvye 2022, Gouvènè Hochul te anonse konvokasyon Konsèy Pwogram Epay Chwa Sekirize New York la, ki te mande Depatman Enpo ak Finans (Department of Taxation and Finance, DTF) pou antreprann aplikasyon pwogram nan.
- **Distribisyon 2.1 milya dola nan Fon pou Travayè ki Eskli yo.** Anba direksyon Gouvènè Hochul, Eta New York te distribye plis pase 2 milya dola bay plis pase 128,000 rezidan atravè Fon pou Travayè ki Ekskli (Excluded Workers Fund) ki alatèt nan peyi a, ki bay yon mwayer sovtaj enpòtan pou anpil nan travayè ki pi vilnerab yo nan eta a pandan pandemi an.
- **Alokasyon pou Travayè nan Endistri Touristik yo.** An novanm 2021, Gouvènè Kathy Hochul te entwodui Fon Rekiperasyon pou Travayè nan Endistri Touristik Eta New York la. Pwogram 100 milyon dola sa a pral bay yon peman estimilis inik ki se **2,750** dola pou jiska **36,000** travayè nan sektè touris seleksyone yo ke yo te ranvwaye paske sektè ak travay sa yo te gen mwens chans pou yo te reprann apre pandemi an.
- **Ogmantasyon Pèman Siplementè pou konbat mank pèsonèl COVID yo.** Nan mwa septanm 2021, Gouvènè Hochul te anonse lansman yo pwogram pilòt pou bay enfimyè ak lòt pwofesyonèl swen sante enpòtan ki travay dirèkteman ak pasyan epi anplwaye lopital yo nan lopital State University of New York yo jiska de fwa edmi lè siplementè yo, ki nòmalman nan yon fwa edmi peman an. Pèsonèl nan twa lopital SUNY elijib pou patisipe: SUNY Downstate Health & Sciences, Stony Brook University Hospital ak Upstate University Hospital.
- **Pwogram Bonis pou Travayè Swen Sante.** Bidjè yo Adopte pou Ane Fiskal 2023 a tabli pwogram Bonis pou Travayè Swen Sante ak Ijyèn Mantal, ki gen ladann 1.3 milya dola ki atribye pou pèman bonis rekritman ak retansyon pou sèten travayè swen sante ak ijyèn mantal. Yo te lanse pwogram lan nan mwa out 2022 ak yon pòtay sou entènèt ki pèmèt anplwayè ki kalifye yo debouse lajan bay anplwaye ki kalifye yo.
- **Ajisteman nan depans pou viv pou Travyè Sèvis Sosyal yo.** Bidjè Yo Adopte pou Ane Fiska 2023 a gen ladan 500 milyon dola pou ajisteman nan depans pou viv pou ogmante salè pou travayè sèvis sosyal yo, ak yon ajisteman 5.4 pouzan nan depans pou viv pou travayè sèvis sosyal yo.
- **Ogmantasyon Salè Minimòm pou Travayè Swen Adomisil yo.** Bidjè Ane Fiskal 2023 a gen ladan 7.7 milya dola sou kat ane pou ogmante salè minimòm travayè swen adomisil yo pa 3 dola.

- **Envesti nan Mendèv Gadri a.** Bidjè yo Adopte pou Ane Fiskal 2023 a envesti 343 milyon dola pou bay yon dezyèm seri sibvansyon stabilizasyon, ak 75% sibvansyon ki devwe pou sipòte mendèv, sa gen ladan ogmantasyon nan salè, bonis, rambousman frè lekòl ak kontribisyon nan plan retrèt pèsonèl ak depans pou asirans sante.
- **Salè ki Anvigè pou Pwojè Enèji Renouvlab yo.** An jiyè 2022, Gouvènè Hochul te siyen lejislasyon (A.9598/S.8648) ki egzije salè ki anvigè pou pwojè enèji renouvlab yon megawat ak pi gwo ki enplike akizison kredi enèji renouvlab nan men yon antite piblik.
- **Green CHIPS.** Nan mwa out 2022, Gouvènè Hochul te anonse lejislasyon (S.9467/A.10507) pou ranfòse endistri fabrikasyon semi-kondiktè New York la ki egzije to salè ki anvigè pou konstriksyon pwojè epi ki asire gwo envestisman sektè prive a nan devopman mendèv ak devlopman kominotè, ki gen ladan avantaj fòmasyon ak edikasyon ak pwogram pou elajji opòtinite anplwa pou moun ki ekonomikman defavorize yo.
- **Ogmantasyon Pèman pou Abòde Mank Sovtè.** An jwen 2022, Gouvènè Hochul te òdone yon ogmantasyon salè pou sovtè eta a yo pou ede rezoud mank pèsonèl nan plaj ak pisin Pak Eta New York yo ak kan Depatman Konsèvasyon Anviwònmantal (Department of Environmental Conservation, DEC) yo ak nan pati nan plaj yo ki itilize lajounen.
- **Sipòte Mendèv kont Adiksyon an.** An septanm 2021, Gouvènè Hochul te anonse 19 milyon dola nan finansman federal pou sipòte mendèv kont adiksyon nan Eta New York lè li bay founisè prevansyon, tretman, ak rekiperasyon ki sètifye yo finansman pou sipòte inisyativ tankou rambousman prè, bous detid, ak lòt ankourajman pou rekrite, kenbe epi ranfòse mendèv sipò kont adiksyon an.
- **Sipòte Mendèv Sante Mantal la.** Nan mwa oktòb 2021, Gouvènè Hochul te anonse 21 milyon dola nan fon rekritman ak retansyon mendèv federal pou ranfòse mendèv sante mantal Eta a nan bay ankourajman pou rekritman ak retansyon, depans edikatif, ak devlopman ak fòmasyon karyè. An novanm 2021, Gouvènè Hochul te anonse 4 milyon dola nan fon rekritman ak retansyon mendèv federal ki ka itilize pou ankourajman rekritman ak retansyon pou sipòte ak elajji Mendèv Sètifye ak Akredite ant Kamarad nan Sante Mantal.
- **Modènizasyon Asirans Chomaj.** Gan jwen 2022, Gouvènè Hochul te anonse Depatman Travay (Department of Labor, DOL) Eta New York la nan mwatye wout nan plan modènizasyon estratejik 4 ane li a, yon efò kontinyèl ki pral diminye volim apèl yo, amelyore eksperyans kliyan yo, epi konekte Nouyòkè yo rapidman ak avantaj Asirans Chomaj yo.
- **Sipòte Veteran ak Fanmi pa yo.** Nan mwa novanm 2021, Gouvènè Hochul te siyen yon pake lejislatif konplè pou pwoteje ak sipòte veteran yo ak fanmi pa yo, ki gen ladan lejislasyon ki asire ke moun ki volontèman kite travay yo pou akonpaye mari oswa madamn yo ki sijè a transfè militè pral elijib pou benefis chomaj (S.3623/ A.7514); ki etabli yon gwoup travay sou opòtinite travay veteran pou ede idantifye fason eta a ka ede veteran yo jwenn ak kenbe opòtinite travay ki fè sans (S.3638/A.7472); pèmèt veteran ak rezèvis yo resevwa enfòmasyon sou avantaj yo lè yo aplike pou oswa renouvre yon pèmi kondwi (S.6452/A.3920); epi bay tout moun ki te sèvi nan fòs lame yo kapasite pou resevwa kredi pou

randevou ak pwomosyon nan sèvis sivil yo lè yo retire restriksyon ki fè konnen ke se sèlman veteran konba yo ki kapab resevwa kredi (S.763/A.5447).

- **Enfòmasyon sou Avantaj pou Manm Gad Nasyonal yo.** Nan mwa out 2022, Gouvènè Hochul te siyen lejislasyon ki egzije enfòmasyon sou benefis ak sèvis ki disponib pou manm Gad Nasyonal yo alafwa alekri ak sou sitwèb Divizyon Afè Militè ak Naval la (Division of Military and Naval Affairs).
- **Sipò pou Travayè COVID-19 nan Long Distans.** Nan mwa janvye 2022, Gouvènè Hochul te anonse yon seri webinè ak paj wèb gratis pou edike travayè yo sou dwa yo epi bay enfòmasyon sou dwa travayè yo nan sa ki gen pou wè ak depoze yon reklamasyon konpansasyon travayè COVID-19 nan long distans.
- **PLA pou Pwojè Travay Biblik Long Island.** Nan mwa mas 2022, Gouvènè Hochul te anonse ke DASNY pral devlope yon patenarya PLA ak sendika travayè konstriksyon Long Island yo ki pral itilize nan tout pwojè a gwo echèl DASNY antreprann nan Long Island yo. Gouvènè a te angaje tou pou li nonmen yon reprezantan sendika travay nan Konsèy Aksyon Klimatik nan tout eta a, ki responsab pou mete an aplikasyon Lwa Sou Lidèchip Klima ak Pwoteksyon Kominotè (Climate Leadership and Community Protection Act, CLCPA) a.
- **Diferans nan Salè Pami Sèks yo:** Nan mwa out 2022, Gouvènè Hochul te anonse ke Depatman Travay la pral devlope yon rapò ki egzamine enpak pandemi an sou fam yon espas travay la avèk yon konsantrasyon patikilye sou diferans nan salè ant plizyè nivo ki gen rapò ak sèks Rapò sa a pral chita sou rezulta rapò Diferans Salè ant Sèks ane 2018 la, ke Gouvènè Hochul ak Komisè NYSDOL la Roberta Reardon prezide ansanm, ki te gen ladan yon seri règleman ak rekòmandasyon ki pwogramme pou konble diferans nan salè a.
- **Amelyore Pwogram Bankè nan kad Avantaj UI a.** Nan SOTS 2022 a, Gouvènè Hochul te anonse plan pou mande Depatman Travay la pou ouvri yon pwosesis konpetitif pou yon bank ofri plizyè opsyon bankè pou Nouyòkè yo jwenn aksè ak avantaj chomaj pa yo. Dapre pwopozisyon sa a, benefisyè yo pral kapab chwazi fason yo resevwa avantaj yo, tankou depo dirèk nan yon kont bankè ki deja egziste, yon nouvo kont bankè pou resevwa depo dirèk, yon kat debi pre-peye, oswa aplikasyon pou pèman dijital. Pwogram bankè amelyore a pral elaji aksè a kont bankè epi bay Nouyòkè yo chwa pou fason pi rapid, pi fasil, ak sekirité pou jwenn fon ki nesesè anpil.

### **OGMANTASYON OPÒNITE POU ANPLWA AK FÒMASYON**

- **Ranfòse Travay Pataje.** Nan mwa septanm 2021, Gouvènè Hochul te siyen lejislasyon (S.4049/A.5678) ki chanje nivo Avantaj yo apati 26 semèn afile pou yon kantite tan ki egal ak montan avantaj pou 26 semèn. Pwogram travay pataje a pèmèt anplwayè yo kenbe anplwaye yo epi evite revokasyon lè li pèmè manm pèsònèl yo resevwa avantaj Asirans Chomaj pasyèl pandan y ap travay pandan orè ki redwi. Nan mwa oktòb 2021, Gouvènè Hochul te siyen lejislasyon (S.17-A/A.7373-A) ki pèmèt anplwaye yo fè fas ak revokasyon posib nan voye peitsyon bay anplwayè yo pou patisce nan yon pwogram travay pataje.

- **Leve Konjèlman Anbochaj Eta a.** Nan mwa septanm 2021, Gouvènè Hochul te anonse sispanyon konjèlman anbochaj eta a jiska fen ane fiskal la, sa ki sipòte efò rekiperasyon yo apre COVID-19 la. Leve konjèlman anbochaj la jsika fen ane fiskal la pral pèmèt ajans yo nan eta a grandi mendèv yo.
- **Envestisman nan Lwa sou Swen an.** Gouvènè Hochul te siyen A.6590-B/S.4652-B ki egzije pou Komisè Developman Ekonomik la etidye, elabore ak pwopoze fason pou aplike yon estrateji alontèm pou sipòte kwasans endistri swen an nan Eta New York.
- **Pwofesyonale Mendèv Sipò Dirèk la.** Nan mwa out 2022, Gouvènè Hochul te anonse yon patenarya 10 milyon dola ant OPWDD avèk Alyans Nasyonal pou Pwofesyonèl Sipò Dirèk (National Alliance for Direct Support Professionals, NADSP) la pou elaji opòtinite pou kalifikasyon pwofesyonèl pou prèske 2,500 pwofesyonèl sipò dirèk nan domèn andikap devlòpmantal nan tout Eta New York epi adrese mank travayè.
- **Prepare Manm Militè yo pou karyè nan Endistri Semi-kondiktè a.** Nan mwa me 2022, Gouvènè Hochul te anonse Pwogram Fòmasyon ak Eksperyans Veteran nan domèn Semi-kondiktè (Veteran Semiconductor Training and Experience Program, VET S.T.E.P.) pou bay manm sèvis tranzisyon yo fòmasyon, estaj ak lòt eksperyans travay ki espesifik nan endistri a ki nesesè nan domèn fabrikasyon mikwo-elektwonik epi fasilité koneksyon dirèk ak anplwayè yo.
- **Pwomosyon Opòtinite Anplwa nan Eta New York.** Nan mwa out 2022, Gouvènè Hochul te siyen ejislasyon (A.8458A/S.6803A) ki otorize Depatman Travay Eta New York la pou kreye yon kanpay sansibilizasyon publik pou pwomouwa Bank Travay Eta New York la, ki pral pi byen konekte moun k ap chèche travay yo ak 250,000 anplwa ak anplwayè k ap anboche nan tout endistri yo.
- **Ogmante Aksè ak Aprantisaj** Nan SOTS 2022 a, Gouvènè Hochul te anonse plan pou elaji aksè ak aprantisaj nan ogmante finansman pou pwogram aprantisaj nan SUNY ak CUNY; Pwolonje Kredi Enpo pou Aprantisaj (Apprenticeship Tax Credit) Empire State la ak plis ankourajman anplwayè yo pou yo anboche jèn ki defavorize yo; Sipòte apranti nan endistri ki gen gwo kwasans yo, vize gwoup ki pa reprezante ase yo tankou fanm ak moun ki gen koulè yo; Kreye yon pòtay pre-aprantisaj pou ede plis Nouyòkè jwenn pwogram ki bon pou yo; Sipòte pre-aprantisaj dirèk ansanm ak òganizasyon ki sipòte pre-aprantisaj yo; epi fè depans aprantisaj elijib pou depans nan kont epay (529) kolèj yo.
- **Sant Rejjonal Developman Mendèv Fon Envestisman Long Island lan.** Bidjè yo Adopte pou Ane Fiskal 2023 a te etabli Fon Envestisman Long Island lan, ki pral bay 50 milyon dola pou sipòte konstriksyon ak operasyon youn oswa plizyè Sant Developman Mendèv nan Long Island pou fòme rezidan yo pou satisfè bezwen ak opòtinite endistri rejjonal yo.
- **Travay Ete pou Jèn ki Defavorize yo.** Nan mwa jen 2022, Gouvènè Hochul te anonse 46 milyon dola nan finansman pou sipòte Pwogram Travay Ete pou Jèn Eta New York yo pou bay travay ak fòmasyon pou 19,000 jèn ki soti nan fanmi ki gen revni fèb.

- **Bousdetid "Enfimyè Pou Avni Nou" (Nurses For Our Future).** Nan mwa out 2022, Gouvènè Kathy Hochul te anonse prèske 1,000 nouveau fiti enfimyè nan kad efò kontinyèl yo pou ranfòse ak estimile mendèv swen sante Eta New York atravè Pwogram Bousdetid "Enfimyè Pou Avni Nou" - yon inisyativ ki fèt pou rekrite ak refòme enfimyè ak pwofesyonèl swen sante pou sèvi kòm Enfimyè Eta New York ki anrejistre.
- **Opòtinite Mendèv pou Etidyan SUNY ak CUNY yo.** Bidjè yo Adopte pou Ane Fiskal 2023 la gen ladan 20 milyon dola pou bay elèv SUNY ak CUNY yo opòtinite pou yo fè aprantisaj, pre-aprantisaj, ak estaj nan yon pakèt endistri k ap grandi ansanm ak fòmasyon ki nesesè pou yo vin pwofesyonèl sante mantal.
- **Ekspansyon Mikwo-Akreditasyon SUNY yo.** Nan mwa fevriye 2022, Gouvènè Hochul te jodi a ekspansyon opsyon aprantisaj rapid ak fleksib ak plis pase 400 mikwo-akreditasyon atravè 31 kanpis SUNY pou ede tout moun, soti nan etidyan aktyèl yo rive nan pwofesyonèl k ap travay yo jwenn konpetans, konesans ak eksperyans ke patwon yo ap chèche nan domèn tankou swen sante, biznis, edikasyon, enèji pwòp, teknoloji enfòmasyon, jistics kriminèl, ak manifakti avanse.
- **Finansman pou Travayè ki Sipòte Dirèkteman Moun ki Gen Andikap Devlòpmantal yo.** Nan mwa novam 2021, Gouvènè Hochul te anonse Biwo New York pou Moun ki gen Andikap Devlopmental (Office for People with Developmental Disabilities, OPWDD) yo pral bay plis pase 1.5 milya dola nan Finansman inik Lwa sou Plan Sovtaj Ameriken (American Rescue Plan Act, ARPA) an pou sipòte efò rekritman yo, ankourajman pou retansyon ak bonis vaksinasyon pou pwofesyonèl sipò dirèk yo ki bay sipò pou moun ki gen andikap devlopmental nan efò pou abòde pwoblèm mank mendèv nan domènn sa a.
- **Konekte Moun k ap Chèche Travay yo ak Anplwa.** Nan mwa desanm 2021, Gouvènè Hochul te anonse yon nouveau inisyativ pou kontinye gwo efò ki déjà ap fèt nan Depatman Travay Eta New York la (New York State Department of Labor, NYS DOL) pou mete moun k ap chèche travay yo an kontak ak yon rekò plis pase 220,000 djòb, zouti ak resous fòmasyon ki disponib. Nouvo efò yo enkli fòmasyon anplwaye nan òganizasyon san bi likratif, ajans leta yo ak lòt patnè kominotè pou konekte moun k ap chèche travay ak sèvis karyè NYS ofri yo epi ajoute 1,000 randevou vityèl pou sèvis karyè youn kont youn pou moun k ap resevwa avantaj chomaj chak semèn yo.
- **Fòmasyon Karyè epi pou Nouyòkè ki gen Andikap Entelektyèl ak Devlopmental yo.** Bidjè Ane Fiskal 2023 a bay OPWDD finansman pou bay moun ki gen Andikap Entelektyèl ak Devlòpmantal ki ap chèche yon travay konpetitif nan domèn karyè yo chwazi a, fòmasyon espesifik pou karyè pa yo.
- **Sipò Anplwa pou Nouyòkè ki gen Maladi Mantal Grav yo.** Bidjè Ane Fiskal 2023 a bay OMH finansman pou amelyore aksè aK sipò anplwa pou moun ki gen maladi mantal grav atravè yon envestisman sible nan pwogram Sèvis Oryante pou Rekiperasyon Pèsonalize a, yon modèl konplè ki konsantre sou rekiperasyon ki entegre reyabilitasyon, tretman ak sipò, ki ede moun yo jere sentòm yo nan espas travay konpetitif la.
- **Kowòdonatè Resous pou Moun Andikape yo.** Nan mwa oktòb 2021, Gouvènè Hochul te anonse jodi a yon angajman 11.1 milyon dola nan finansman sou devlopman mendèv federal la nan twa ane k ap vini yo pou elaji rezo reyisi

Kowòdinatè Resous pou Andikap yo nan tout 33 zòn devlopman mendèv lokal yo ak pou pi byen sèvi 45,000 moun anplis ki gen andikap nan Sant Karyè Eta New York yo.

- **Pakou STEM pou Fanm ak Moun Koulè yo.** Nan mwa desanm 2021, Governor Hochul te siyen lejislation (S.531-B/A.530-B) pou bay Kòporasyon Devlopman Iben an enstriksyon pou mennen yon etid konsènan asistans fanm ak minorite yo bezwen pou pouswiv karyè STEM yo. Kòporasyon Devlopman Iben an pral travay avèk Depatman Edikasyon Eta a ak Depatman Travay pou detèmine kantite asistans yo ta dwe bay nan distri lekòl yo, lekòl piblik endepandan yo, BOCES ak lekòl prive yo pou devlope pwogram nouvo epi amelyore STEM aktyèl la nan klas 6-12 ki gen ladan eksplorasyon karyè, opòtinite pou akeri konpetans teknik ak patenarya avèk pwogram edikasyon ak fòmasyon apre segondè.
- **Prepare Travayè Defavorize yo pou Travay nan Enèji Pwòp.** Nan mwa fevriye 2022, Gouvènè Hochul te anonce yon pwopozisyon sibvansyon federal 25 milyon dola nan tout eta a ki pral adopte yon apwòch ki gen plizyè aspè pou resikle ak fòme Nouyòkè yo, ki gen ladan travayè ki deplase yo nan sektè konbistib fosil la ak manm kominate ki defavorize yo, pou nouvo opòtinite travay nan enèji pwòp yo. Anplis de sa, pwopozisyon an pral sipòte kolèj kominotè yo ak devlopman kourikoulòm ki baze sou endistri a ak mikwo-akreditasyon epi bay yon pakèt sèvis konplè pou ede moun yo fè siksè nan karyè yo.
- **Biwo Devlopman Mendèv Estratejik.** Nan mwa janvye 2022, Gouvènè Hochul te anonce kreyasyon yon nouvo Biwo Devlopman Mendèv Estratejik nan ESD pou kowòdone efò mendèv nan tout eta a epi pran yon apwòch reyonal ki baze sou demann pou devlopman mendèv. Finansman OSWD pou plizyè ane a gen ladan 150M dola pou nouvo pwogram sibvansyon ESD administre a pou sipòte pwogram fòmasyon mendèv anplwayè yo atravè finansman kapital, fon fonksyònman fleksib, ak sibvansyon ki baze sou pèfòmans.
- **Envestisman 350 milyon dola nan Devlopman Mendèv.** Bidjè yo Adopte pou Ane Fiskal 2023, pral envesti 350 milyon dola pou sipòte yon gwo envestisman istorik ak devlopman kowòdone nan mendèv atravè ajans ak otorite eta yo. Finansman an gen ladan jiska 50 milyon dola pou fòmasyon ki asosye ak teknoloji vèt.
- **Pwogram Rezidans Pwofesè yo.** Bidjè yo Adopte pou Ane Fiskal 2023 a kreye yon pwogram rezidans pwofesè nan eta a pou pote plis pwofesè nan lekòl yo pi bonè pandan y ap bay plis opòtinite pou sipò ak fòmasyon pandan y ap antre nan karyè yo.
- **Ogmanter Pwogram Sètifikasyon pou Pwofesè Altènatif yo.** Bidjè yo Adopte pou Ane Fiskal 2023 a pral elaji tou pwogram sètifikasyon pou pwofesè altènatif yo, tankou Kolaborasyon Ansèyman Vil New York (New York City Teaching Collaborative), pou rann li pi fasil ak pi evidan pou pwofesyonèl yo nan lòt karyè vin pwofesè. Fiti pwofesè yo pral apranti nan distri lekòl ki gen gwo bezwen yo pandan y ap fè yon metriz nan domèn yo.
- **Konpetans arapwofesyonèl ak Asistan Ansèyman.** Bidjè yo Adopte pou Ane Fiskal 2023 a pral bay sibvansyon pou parapwofesyonèl ki rete travay nan yon distri lekòl pou pouswiv yon diplòm ansèyman.

- **Divèsite nan Mendèv Sante Mantal la.** Nan mwa out 2022, Gouvènè Hochul te anonse 4 milyon dola nan finansman federal pou sipòte etidyan ki pa reprezante ase yo k ap antre oswa ki enskri nan pwogram diplòm sante mantal nan kanpis State University of New York (SUNY) oswa City University of New York (CUNY) yo. Atravè yon patenarya ak OMH, SUNY ak CUNY yo chak pral resevwa 2 milyon dola pou sipòte asistans ekolaj, estaj peye, ak alokasyon dirèk pou etidyan minorite ak etidyan ki pale plizyè lang yo.
- **Pwogram Akreditasyon Kanabis yo.** Nan mwa jiyè 2022, Gouvènè Hochul te anonse jodi a kolèj kominotè SUNY ak CUNY pral resevwa 5 milyon dola nan finansman pou sipòte kreyasyon oswa amelyore pwogram akreditasyon akoutèm oswa ofrann kou ki ofri chemen anplwa nan endistri kanabis la. Finansman an sipòte pwogram ki pral kreye oswa amelyore kou ak pwogram ki pa elijib pou diplòm ak sa ki elijib pou diplòm, akreditasyon ki ka kimile, ak/oswa mikro-akreditasyon ki rapidman adrese bezwen konpetans anplwayè lokal yo nan sektè kanabis la.
- **Dezyèm Faz Inisyativ pou Devlopman Mendèv la.** Nan mwa janvye 2022, Gouvènè Hochul te anonse ke 42 òganizasyon atravè eta a te resevwa 7 milyon dola pou finanse fòmasyon konpetans ki gen anpil demand pou plis pase 2,550 Nouyòkè nan kad ansyen Inisyativ Devlopman Mendèv la.

## **RANFÒSE PWOTEKSYON TRAVAYÈ YO**

- **Lwa EWO NY (NY HERO Act) la.** Nan mwa septanm 2021, Gouvènè Hochul te mande Depatman Sante Eta New York pou deziyen COVID-19 kòm yon maladi kontajye sous ayeryèn, sa ki te deklanche aplikasyon plan sekirite travay anplwayè yo pou pwoteje travayè yo.
- **Anpeche Vòl Salè pa Soutretan yo.** Nan mwa septanm 2021, Governor Hochul te siyen lejislasyon (A.3350-A/S.2766-C) rann kontraktè pwojè konstriksyon yo responsab ansanm pou salè yo dwe anplwaye soutretan yo. Sa pèmèt kontraktè yo mande enfòmasyon pewòl soutretan yo epi kenbe pèman an si yo bay enfòmasyon an.
- **Sekirite Travayè Otowout yo.** Nan Mwa septanm 2021, Governor Hochul te siyen lejislasyon (S.4682-B/A.485-B) ki etabli yon pwogram demonstrasyon ki mete anplas sistèm kontwòl vyolasyon vitès la nan zòn travay yo pa mwayen aparèy foto epi fè yo koresponn ak avi responsabilite ak abitraj kèk enfraksyon sikilasyon ki enplike itilizasyon aparèy kontwòl foto.
- **Konje Familyal Peye.** Gouvènè Hochul te siyen A.6098-A / S.2928-A pou amande Lwa Konpansasyon Travayè yo pou mete "frè ak sè" kòm yon manm nan fanmi an.
- **Konbat Vòl Salè.** Nan mwa jiyè 2022, Gouvènè Hochul te ranfòse Gwoup Travay kont Vòl Salè (Wage Theft Task Force) a, lanse yon nouvo liy dirèk epi devlope yon dènye sistèm rapò sou entènèt sou vòl salè pou kreye plis opòtinité pou travayè yo rapòtè vòl salè epi resevwa sa yo dwe yo pandan y ap pwoteje vi prive yo ak sekirite yo. Gouvènè Hochul te anonse ke Gwoup Travay kont Vòl Salè a te garanti kondanasyon pou krim ak akò ki soti nan plis pase yon douzèn

biznis ak 265 moun pou peye prèske 3 milyon dola nan restitisyon salè ak kontribisyon yo dwe Eta New York depi nan kòmansman pandemi COVID-19 la.

- **Politik pou Prevansyon Vyolans ki Baze sou Sèks nan Espas Travay la.** Nan mwa avril 2022, Gouvènè Hochul te siyen yon Dekrè Egzekitif ki te mande tout ajans ak otorite Eta New York pou yo adopte yon politik nan espas travay sou vyolans ki baze sou sèks, pou ranfòse pwoteksyon ki egziste déjà yo pandan y ap ogmante pwoteksyon yo pou yo enkli asèlman ak arasman seksyèl.
- **Ranfòse Politik Prevansyon Arasman Seksyèl.** Nan mwa jiyè 2022, Gouvènè Hochul te anonsé Depatman Travay la ap mete ajou politik prevansyon arasman seksyèl New York la ki alatèt peyi a, e li te envite Nouyòkè yo pou yo bay plis opinyon pou ranfòse pwoteksyon espas travay yo.
- **Liy Dirèk sou Arasman Seksyèl nan Espas Travay la.** Nan mwa mas 2022, Gouvènè Hochul te sejislasyon (S.812B/A.2035B) ki egzije Depatman sou Dwa Imen an pou etabli yon liy telefòn dirèk ki konfidansyèl nan tout eta a pou plent sou asèlman seksyèl nan travay. Liy dirèk la, ki te lanse an jiyè 2022, konekte moun ki rele yo ak avoka volontè yo ki eksperimente ki ka ede fè yo konnen dwa legal yo epi konseye yo sou espesifisite ka endividyèl yo.
- **Prevansyon Arasman ak Diskriminasyon nan Gouvènman Eta a.** Nan mwa oktòb 2021, Gouvènè Hochul te anonsé yon seri inisyativ pou anpeche arasman ak diskriminasyon nan gouvènman Eta a, ki gen ladan fòmasyon obligatwa kont arasman ak kont diskriminasyon pou tout anplwaye Eta New York ak idantifye yon kabinè avoka endependan, ekstèn pou mennen ankèt sou nenpòt reklamasyon diskriminasyon ilegal, arasman, ak vanjans nan Chanm Egzekitif la.
- **Dwa elaji pou Anplwaye Biblik yo.** Nan mwa mas 2022, Gouvènè Hochul te siyen lwa (S.3395B/A.2483B) pou klarifye ke Eta a konsidere kòm yon anplwayè pou nenpòt moun k ap sèvi nan branch egzekitif, jidisyè, ak branch lejislatif la epi ki sijè a Lwa sou Dwa Imen an, pou asire ke règleman global kont arasman New York la pwoteje alafwa anplwaye biblik ak prive yo.
- **Pwoteje Anplwaye yo kont Reprezay.** Nan mwa oktòb 2021, Gouvènè Hochul te siyen lejislasyon (S.4394-A/A.5144-A) pou pwoteje anplwaye aktyèl yo ak ansyen anplwaye yo kont aksyon reprezay anplwayè yo nan ka yo rapòte aktivite biznis ilegal oswa ki danjere. Lejislasyon an amelyore pwoteksyon pou anplwaye sektè prive yo epi elaji definisyon aksyon reprezay la.
- **Ranfòse Pwoteksyon kont Reprezay.** Nan mwa mas 2022, Gouvènè Hochul te siyen lejislasyon (S.5870/A.7101) pou etabli ke biblikasyon dosye pèsònèl la pou diskredite viktim diskriminasyon nan travay konte kòm yon aksyon reprezay nan kad Lwa sou Dwa Imen an. Pwojè lwa a pèmèt tou viktim reprezay ilegal yo depoze yon plent bay Pwokirè Jeneral la ke yo ka pote nan Tribunal Siprèm eta a.
- **Ekite pou Ansyen Nouyòkè ki te nan Prizon yo.** Gouvènè Hochul te siyen lejislasyon pou ranfòse rezulta travay ak pwoteksyon pou Nouyòkè ki te nan prizon yo lè li pèmèt travayè ki re-antre yo fè travay debònfwwa, tankou lè siplemantè oswa orè lannwit, san yo pa vyole libète pwovizwa (S.2803/A.5707); elaji lè moun ki an libète pwovizwa yo ka patisipe nan pwogram sipèvizon kominotè obligatwa yo rive nan lè ki pa travay, sa ki pral ede yo kenbe travay yo oswa kontinye pwogram edikasyon yo (A.6977A/S.643A); epi pèmèt moun ki sijè

a plizyè kalite liberasyon sipèvize pwoteste kont kondisyon travay ki gen rapò ak travay (S.2801-A/A.5705-A).

- **Pwoteksyon pou Travayè Ansent yo.** Nan mwa out 2022, Gouvènè Hochul te anonse Divizyon sou Dwa Imen an te pibliye nouvo konsèy sou pwoteksyon nan espas travay kont diskriminasyon gwo sès, ansanm ak yon fich enfòmasyon ki avèti anplwaye yo sou dwa yo ak anplwaye yo sou responsabilite yo konsènan aranjman rezonab pou travayè ansent yo. Sa a vini apre anons Gouvènè a nan mwa mas 2022 ke Divizyon sou Dwa Imen an te depoze yon plent kont Amazon epi ki akize konpayi an angaje nan diskriminasyon kont travayè ki ansent ak travayè andikape lè li refize yo akomodasyon rezonab, e ke konpayi an gen règleman ki fose travayè ansent ak travayè ki gen andikap yo pran yon konje san peye olye ke yo pèmèt yo travay ak yon aranjman rezonab.
- **Amelyore Lojman pou Travayè Agrikòl yo.** Nan mwa novanm 2021, Gouvènè Hochul te anonse jodi a yon nouvo pake 25 milyon dola sibvansyon ak prè pou amelyore kondisyon lojman pou travayè agrikòl yo epi pwoteje sante ak sekirite mendèv enpòtan sa.
- **Modènize Fason Travayè yo Depoze pou Fè Reklamasyon kont Lwa Travay yo.** Nan SOTS 2022, Gouvènè Hochul te anonse ke Depatman Travay la pral fè gwo envestisman nan teknoloji pou modènize pwosesis pou travayè yo fè reklamasyon sou salè ki pa peye, diskriminasyon, pa bay konje ki obligatwa pa Eta a, ak lòt vyolasyon lwa travay la vin pi aksesib pou mendèv jodi a.
- **Abòde Baryè Travay pou Nouyòkè Transeksyèl yo.** Nan mwa out 2022, Gouvènè Hochul te siyen lejislasyon (S.5933-A/A.8133) ki mande Depatman Travay la pou mennen yon etid sou pousantaj travay moun trans-seksyèl yo nan eta a, an konsiltasyon ak Divizyon sou Dwa Imen an, pou detèmine si genyen yon diferans nan pousantaj travay ant Nouyòkè trans-seksyèl yo ak lòt rezidan nan Eta New York yo, epi pou enfòme plis lejislasyon ki adapte ak bezwen Nouyòkè trans-seksyèl yo.
- **Mwa Konsyantizasyon sou Anplwa pou Andikape.** Nan mwa oktòb 2021, Gouvènè Hochul te pibliye yon pwoklamasyon ki te deklare mwa oktòb kòm Mwa Konsyantizasyon sou Anplwa pou Andikape yo pou konsyantize sou anplwa andikape yo, kontinye angajman New York pran depi lontan anvè travayè andikape yo, epi ankouraje konsyantizasyon sou inisyativ kontinyèl pou ekipe kominate andikape a.
- **Etid sou Travay Moun ak Veteran Andikape yo.** Nan mwa desanm 2021, Governor Hochul te siyen lejislasyon (S.6276-A/A.7223) ki mande pou prezidan komisyon sèvis civil la fè yon etid sou travay moun ak veteran andikape yo pa eta epi fè rekòmandasyon pou konnen si eta bezwen anboche plis moun ak veteran ki gen andikap pou ranpli pozisyon ki kreye pa seksyon nan lwa sèvis civil la.
- **Rezoud Mank Chofè Kamyon ak Otobis.** Nan mwa septanm 2021, Gouvènè Hochul te anonse yon plan milti-ajans pou rezoud mank chofè otobis lekòl ki afekte lekòl yo atravè eta a, ki gen ladann etap akoutèm pou retire baryè yo epi rekrite moun ki gen Pèmi Kondi Komèsyal (Commercial Driver's License, CDL) tradisyonèl ak sa ki pa tradisyonèl yo, agrandii opòtinite tès pou CDL, ak amelyore pwosesis yo ki fèt pou pèmèt gen plis chofè nan otobis lekòl yo,

ansanm ak sensibilizasyon pou plis pase 550,000 moun ki gen lisans CDL nan Eta New York. Nan mwa janvye 2022, Gouvènè Hochul te anonse jodi a yon plan pou ede rezoud yon mank chofè kamyon ak otobis ki enpòtan lè li ogmante yon fason siyifikatif disponiblite tès woutyè pou aplikan Pèmi Kondwi Komèsyal (CDL) yo.

- **Zouti Salè ak Anplwa Entè-aktif.** Nan mwa mas 2022, Gouvènè Hochul te anonse lansman de nouvo resous entèraktif an liy ki fèt pou amelyore transparans ak amelyore aksè ak estatistik travay ak enfòmasyon sou salè pwofesyonèl yo: Tablobò Estatistik Travay Aktyèl la, ki bay estimasyon chak mwa sou travay ki pa lye ak fèm, pa èdtan, ak salè endistriyèl; ak tablobò Estatistik Travay ak Salè Pwofesyonèl (Occupational Employment and Wage Statistics, OEWS), ki founi estimasyon sou travay ak salè pou prèske 800 tit travay atravè Eta New York.
- **Ofisyè an Chèf pou Moun ki Andikape.** An fevriye 2022, Gouvènè Hochul te nonmen Kimberly Hill kòm premye Ofisyè Anchèf pou andikape Eta New York pou defann nan non moun ki andikape yo, sa enkli nan devlope estrateji pou ranfòse travay pamí moun ki andikape yo.
- **4.2 milya dola Lwa sou Obligasyon Anviwònmantal Dlo Pwòp, Lè Pwòp ak Travay Vèt Ia.** Bidjè Ane Fiskal 2023 a te otorize inisyativ istorik sa a, ki dwe pran pa elektè yo pita nan ane sa a, ki gen ladann estanda travay ki pral ede kreye ak kenbe plizyè milye djòb vèt; mete ajou enfrastrikti dlo New York ki aje epi pwoteje kalite dlo; redwi polisyon nan lè a ak diminye emisyon ki chanje klima; retabli abita yo; ranfòse kapasite kominate yo pou yo reziste kont gwo tanpèt ak inondasyon; prezève espas deyò ak fèm lokal yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418